


	21253
	  Mag. St. Di.

Biblioteka Jagiellońska



stdr0018925



L

M

M

V  
P

PH

26



LIBURNIS  
VOTORVM

aspirantibus Cælitum Austris,  
in Florentissima Vniuersitate Cracoviensi,  
Fortunatum Portum Capeffens. ad quem,

CLARISSIMVS & EXCELLENTISSIMVS DOMINVS  
M. MARTINVS ROGOZOWIC.  
Philosophiæ Doctor & Professor.

CLARISSIMVS & EXCELLENTISSIMVS DOMINVS  
M. THOMAS ORMINSKI,  
Philosophiæ Doctor Matheseos Professor,  
Medicinæ Licentiatus Felices constitère.

DUM PER



CLARISSIMVM & EXCELLENTISSIMVM DOMINVM  
M. STANISLAVM  
WOSINSKI

Philosophiæ & Medicinæ Doctorē, in Alma Vniuersitate Crac:  
Professorē, Consulē Cracoviensē, ac interea Facultatis Medicæ  
Procancellarium Dignissimum, in Illustri Numerosissimi Hospitis corona

Medicinæ Doctores

RITU SOLENNI RENVTIARENTVR


IN

Documentum verò Fraternali affectu

M. IOANNE FELICIANO ŁVKASZKIEWICZ, Crac:  
Philos: Doct: & Profes: Gratulatorio Laconici Styli celeusmate:

HONORATA.

Anno Salutis, 1692. Mense Aprili, Die 19.



CRACOVIAE, Typis Nicolai Alexandri Schedel, S. R. M. Ord: Typ.





# LIBVRNIS VOTORVM.

**S**Pebus onusti, Votorumq; pleni Mnestei,  
remis sulcare vitrea treta edocti;

etsi ductoritiam Parrhæsis comitentur Vrsam,  
haud semper exoptatum attingunt scopum,  
quin Scyllæis non agitentur scopulis.

Frequenter insigni divite venâ adnavigare nituntur Chersoneso,  
verùm sæpius ad scopulosum Maleæ deflectunt Promontorium.

Immensum transfretaturi æquor,  
rarò sine iratis irritatisq; Pelagi numinibus emetiuntur.

*Multis navigantibus Danaïs, in Rupe Euboica,  
pralucet coruscum & exitiale iubar,  
securi portûs monstrans viam;*

*sed illuc cum appulerint, etiam cum vita cetascopiis naufragantur.*

*Nempè vix aliquando remigium sine vicino naufragio.*

Tridente potentis Neptuni Regna,  
Monstra nereï, Symplegadas, & Acroceraunia,  
fluenti refluentiq; cùm detegant lymphâ;  
non unum palinurum exanimant, moriq; spellacerâ cogunt.

Hem quid certum in aquis Oceani!  
in Lubrico hoc Elemento quid solidum?  
Vbi & ipse furibundus Æolus, acrioribus debacchatur procellis,  
Volantemq; faventibus Etesiiis Cymbam;  
moto turbine mari ac tumente fluctu,  
facilè demergit & præcipitat.

Vitreum Fortunæ transfretantibus salum,  
persæpè hæc pericula eveniunt;  
quæ & navigantibus, inter Balænas Syrtesq; Marinas contingunt.

*Mare*



*Mare hoc alternis Vicibus reciprocum,  
quo nihil vastius, naufragioq; propius nihil.  
Marpesiis adversæ sortis referitum est cautibus,  
quas, Volente Fortunâ, nec cautissimi evitant Segesti:  
Eundum hîc per multa obstantia, confragosa, Eurippeosq; recessus,  
nec vastissimæ calamitatis, Tauromitanæ permeande Insulæ.*

*Pernices cursu Votorum Celoces*

*sistit hæc infesta Echenéis,*

*& ne fortunatis in Littore redimiantur eventibus,*

*Hyænam agit, ac multorum corda fauciat,*

*dum non satiat desideria.*

*Crudelis hæc Tyrannis non Dea est,*

*humanum Genus, iugi rotæ suæ Vertigine torquens:*

*Haud magis sævire potest in animos Mortalium,*

*constans in ipsa inconstantia Fortuna;*

*quam dum illorum Vota, improspéro rotæ suæ voluit*

*circumagitrq; gyro.*

*Votis quippe reluctantem agnoscere Fortunam,*

*ingens doloris Magnitudo, ac cruciatus.*

*Hoc intollerabile Mentium tormentum, cordium torcular,*

*Marasmo, tabeq; præmissâ,*

*Vita ultimam medullam exprimens;*

*quam nec Vivificans restaurabit elixir, nec Æsculapij panchrestû.*

*Elusi quandoquidem, ac de albo Fortunæ elisi conatus,*

*hominem non Vivere, sed vivum sepelire faciunt;*

*Manibusq; pallidis æquant.*

*Sic tessellata fortuna mala bonis interpolat,*

*Vota quoq; frequenter cum vita succidit.*

*Insignes eruditione solidâ, æquè rara Virtute ac*

*sapientiâ conspicui,*

*eximijs animi dotibus illustres,*

*omni Mâiores elogio, omni sublimiores dicendi Genere*

*Dignissimi, ac Emeritissimi Medicinæ Licentiati,*

*CLARISSIMI & EXCELLENTISSIMI DOMINI*

*D. M. MARTINE ROGOZOWIC,*



&  
D. M. THOMA FRANCISCE  
O R M I N S K I

Philosophiæ DOCTORES & PROFESSORES

Doctoralem Coronam Medicam prestantes.

Etiam Liburnis Votorum Vestrorum, Fortunæ Tyrrenum ingressa,  
adversis agitabatur Aquilonibus, ac infelici Iapijge.

Devia evitare Vada nequivit,  
nec Ventis secundis ac constantibus, ad Urbē Anthenoriam progredi potuit.

*Ocyus currentem, iamq; optato propinquam litori,  
dira dominantis fati inclementia impedit.*

adgrasante  
Carniole  
Pestilenti  
am, passusq;  
Ponteus  
præclusos  
peruenire  
Patavium  
non potuer  
sunt

Ponteus tanquam informidoloso Ponto, terminalem incidistis in pontem,  
non sine metu infelicem attrigistis metam,  
cor Vestrum gravi feriente dolore.

Tot prætergressi ancillante fortunâ Viarum incommoda,  
iterum novercantem agnouistis, eandemq; non Typhim  
sed Acesteum experti.

Ferente testimonium erudito Apuleio  
*qui pontibus loca aliqua transire nequibant, pontonibus transibant.*

Vos præfixum ad quem collimabatis locum,  
nec vado, nec pontonibus transistis;

Vt Patavina Daphnis, hæc Vestra docta tempora, Virenti lauro redimitet,  
quæ à gemmea sudorum corona,  
in stadio Academico prius iam redimitæ erant.

*O Laureæ Machaonia! tanta Te decuit quari perdamna Viarum?*

*Tantosne peranfractus; Meandricosq; recessus,  
itur in Laurearum Hæmum*

*Tantum ne per mille pericla, totidemq; discrimina rerum  
tenditur in Latium.*

Rem non ænigma exaras calame:  
nudamq; ac Vela Timantis perosam,  
annotas veritatem.

Præfaga ac Monitrix futurorum Carmenta Academica,  
Vobis eruditis Evandris, non absq; arcano,  
illud agrediendum dissuadebat iter.

Vos nihilominus ut Decora Doctrinæ vestræ quam Vobis  
pleno



pleno ac vberè Lacæna Academica propinavit vberè,

Exteris quoq; visenda prodirent,  
totumq; cederet Altrici huic elogium; extra Patriam.  
Attamen candidus Fortunæ calculus, Vestris aliter cum cesserit Votis;  
Omnibus anteponenda Nicostratis, Mater Filiorum Optima

Augustissima D. Jagellonis Pallas  
irrita vestra desideria, gravi ferens cordolio,  
iterum vos materno ac delicato sinu excepit;  
ac in Solatium vestri, non capita solummodò, sed & corda,  
his eruditis Laureis redimire gestit.

Ergò iam ciente toto Cætu Academico modulamina, ac celeusmata  
Liburnis Votorum Vestrorum in Desiderato Portu constituta  
Doctores capessat Laureas.

Obviam progredimini tanto honori,  
pleniq; Votorum, coronas has felices prensate.  
*Hæ siquidem coronæ, Vobis æternum Victuram famam pollicentur  
vel ipsa sui peripheriâ.*

Verùm has binas ac collactaneas Sorores, Virtutè ac eruditionem,  
pulchro sociatas fœdere serò allapsura ætas,  
in Vobis colat ac Veneretur;

has nulli cessuras elogio, immensas gloriæ, exiguæ date pagellæ.  
Principem merentur Panegyrim, innumera Virtutes Tuæ,  
qui principem quoq; tenes locum,

**CLARISSIME & EXCELLENTISSIME DOMINE,  
M. MARTINE ROGOZOWIC,**

Philosophiæ Doctor & Professor, Medicinæ Licentiate.

Tuas inter coruscas Virtutes, ac eximias præcellentis animi dotes,  
fulget Magnis innutrita splendoribus Sapiencia,  
velut inter Stellas Luna minores.

*Pretiosa hæc Virtutum, ac Sapientiæ Cimelia,  
sub Modestia Tua, sic latent cortina;  
ut in profundo, concha nemini nota, sed omnibus pretiosa Margaretha.*

Modestia Tua, ac minima de Te ipso æstimatio,  
Vectigalem sibi texunt Panegyrim.

Virtute ac eruditione Tuâ Multos anteire, & Vincere videris,  
hanc tamen Monomachiam, quam ex multis referre posses,

B

Tua



Tua Modestia temperavit  
Honorem hunc sine ambitu quæstisti, cum Tibi ad Augem illius;  
vel sola merita suffecerint.

In hac humilitatis Tuæ Umbria, lucidius fulget honoris Tui claritudo.  
*Sufficiebat porro Scipioni, sine triumpho, & plausu Orbis,  
nominis magnitudo.*

*Camillo inter Orbis Angenoralia, Rupes Tarpeia.*  
Ita sufficit Virtuti Tuæ, ipsa Meritorum maiestas,  
quam etsi ipse tacere velis, buccinatrix Fama;  
eandem non definit, in immensum mille crepare tubis.

Nobilem veræ Sapientiæ succum, non aliunde quam ex pura  
institutione suxisti Iagellonica, legitimus ac Verus Filius.

In tractandis Studiis, perdius ac pernox Cleanthes,  
sedulitate Tuâ diligentissimum superabas Theopompum.

Nec immeritò sedulitati Tuæ ac irrequieto labori,  
dextro Apolline, Geminæ Philosophicæ Laurus successe.  
Dedisti caput Tuum his coronis, re non titulo Stagyrita,

*maluistiq; esse, quàm vocari Philosophus.*

Affociatus Inclyto Philosophorum ordini,  
Stagyriricum Hippodromum, indefessus decurrebas stadiodromus.

Inter severiores argumentantium Porticus,  
inextricabiles difficultatum enodando scirpos,  
non superciliosum Catonem, sed placidum & tractabilem egisti Pythagoram.  
Laboriosissimum Te in statione hac, quis neget esse Olympionicen,  
qui subeundas ab alijs proprias spartas,

ipse quâlibet die subivisti, nec horas computans, nec tædia.

Cedit in gloriæ Tuæ theatrum, Novodvorscianus Helicon,

in quo, labore Tuo, ceu ferratâ Pegasi vngulâ,  
dulcem elicuisti Hippocrenem, quem mellitissimum institutionis Tuæ dulcorē,  
plenâ amyftide, castæ Musarum propinasti cohorti.

Ad Vernantem hunc Parnassum.

pertinuit pulchra morum Tuorum temperies.

*Pertinuit & dulcisona Stemmatica Tua Chelis  
cuius dulci fidium concentu, vel ipse Cytharædus Apollo recrearetur.*

Vix aliquando Camenæ illæ, magis amœnæ & lætiores fuere,  
quam Te docente; ut potè deficiente Phæbi cytharâ,

Tua chelis dulce illis canebar Melos.

Sic no-



Sic Novodvorfciani ftadij ſcholaſticum pulverem terendo,  
 priſci moris fidum, ac intaminatum ſervâſti laborem.  
 Glorioſè exactò aliquot annorum ſpatio, in informanda Lechica Prole,  
 etſi iam antea totus in coronam Stagyrae,  
 totus abiveris in Tullium;  
 (præeunte Tibi adhæc omnia Phænice Sapientum Mazurkovio)  
 ampliori tamen ſcientiâ ſatiari cupiens, Totum Te Æſculapio,  
 Totum Agrigentino Acroni dedifti.  
 Felici ingenio, ſummo iudicio, voluendo, ac revoluendo Paracelſi volumina,  
 investigabiles naturæ Vias, abſtruſam affectarum partium,  
 cognitionem rimabaris,  
 Occultas Morborum cauſas quærebas.  
 Adverſa ſimptomata ſcrutabar  
 Solâ ne phlebotomiâ, an diureticis, vel alijs phar macis,  
 plethoricis, cachecticis epidemicis corporibus, mederi poſſis:  
 monumenta Authorum conſulendo, diiudicabas.  
*Mirâ mentis Tuæ capacitate, anteiuiſti docentium nutus,*  
*totuſq; tibi ante Lauream, deſiſti in coronam Medicam, & elogium.*  
 Omnia hæc digna coronis & gratijs, in Te cum inveniſſet;  
 Gratiarum omnium Compendium, & ipſo Nomine Charis,  
 ex antiquo Tibi Faventiſſimus,

PERILLUSTRIS & ADMODVM REVERENDVS DOMINVS,

D. IOANNES LVCZKIEWIC

Sac: Theolo: & I. V. Doctor, Eccleſiarum Collegiatarum, Kiel-  
 cenſis Canonicus, Cuſtos Sarbimirienſis, Præpoſi-  
 tus Radſovienſis &c. &c.

Contubernij Siſiniani Reſtaurator munificentiffimus,  
 Maximus hic eruditæ Virtutis Tuæ Æſtimator  
 oftendit pretium Tui & omne elogium.

*Illi fama perenne tributum debet, æternoq; cenſu redditura elogia.*  
 Gentilitia ipſius Roſa, Pæſtanis, Hymettiq; ſuavior floralibus,  
 non tantum ſpirat odorem ſolidæ ſapientiæ,  
 fragrantiam Virtutum, verum quoq; in uſus Mortalium,  
 liberalitate pulchrius explicatâ, non Vnum accurrere cogit,  
 in ſui odorem; nempè in dulce obſequium.



Ergò iam  
Doctor Dignissime,

deliciare sub tanto gratiarum pondere, ac in hoc amœno gratiarum Tybare,  
fortunatus & longævus triumphas.

Tuam quoq; Virtutum ac Meritorum Panegyrim, devinctus non fugit calamus,  
& obligata penna in Tui honorem advolat,

Solennissimi Actûs hodierni Coronis, & decora Corona,

CLARIRISSIME & EXCELLENTISSIME DOMINE

D. M. THOMA FRANCISCE  
O R M I N S K I,

Philosophiæ Doctor & Professor, Medicinæ Licentiate.

Fatiscit sub onere Laudum Tuarum inops Verborum Stylus,  
& capiendo ingenti meritorum Sillabo impar est.

*Virtutes Tuae, elogiorum termino carent.*

*Solida eruditio expers omnigenæ periodi,*

*nullis angustæ eloquentiæ arctatur limitibus.*

Non vulgarem ingenii Tui excellentiam, ita sequitur census gloriæ;  
*ut corpus umbra, vel Heliotropium lucidissimum Mundi Planetam.*

Ad eam crevisti proceritatem gloriæ;

ut quisquis millenas Tuis meritis addensaverit panegyres, tyrocinia tractabit;

Dignè & sufficienter de Te scribere, Tuo non nisi erudito calamo:  
quo non vni Gratulatorium, non vni funereum scripsisti Epos.

In Te videre licet; non sine voluptate animi,

teretes ruentem ore gemmas Demosthenem.

In Te superstitem Theonem Philosophum simul & Astrologum.

Mortuus aliis Podatyrus, nobis in Te vivacissimus.

Tibi adhuc inveni, aderat illa; quæ pretextam fugit prudentia,  
senili invento ingenio, quod illis haud conveniebat annis

Excolendam & Artis firmandam præfidiis,

Tuam Indolem, dedisti Minervæ, quam cum capacissimam  
omnium scientiarum advertisset;

eandem post diutinam sedulitatem & laborem, non sine corona,  
non absq; Laureis Philosophicis dimisit.

Te ad magna & seria natum politiori Literaturâ conspicuum,  
Satraparum Regni, erudiendis pignoribus applicuit.

Avita TARLONVM Ascia, longo Patriæ splendescens ab usu,

O: quam



O: quam toties eruditam Palladem Tuo docto è Capite eduxit.

In Tuo namq; Capite, triumphans Sapientia,

inæstimabiles doctrinæ locavit thesauros;

quibus per probam ac fidam institutionem ditarentur dotarenturq; ingenia.

Corculum, & delictum Phæbæ, & acutissimi genius ingenii.

Suavem Tuam suadam, nulli Molestiam diuturnioris tædii inferentem,

profundo meo Stylo Veneror:

quam fundete aureo ore Tuo, & dies integra, exiguum videtur esse momentum.

*Nunquam enim perorare videris melius,*

*quam dum peroras diutissime.*

Habuit Te suum Oratorem Sol Aquinaticus,

Angelicus Doctor Divinissimus THOMAS,

cuius Gentilitio Eridano, perbellè encomiasticam affudisti Castalim.

Profundè de Sancto THOMA dixisti, nec mirum;

cum ipso nomine THOMAS Abyssus sis.

Benè quia THOMAS, Quem perorare optimè, extra paradoxum.

Fabulam somniantis Parnassi de Gallicano Hercule

vertisti incertum foriten,

*Qui animos omnium ita tenes, ut se omnes à Te sciant vinciri,*

*nemo dissentiat, ille tantum, cui eloquii Tui dignitas incomperta.*

Divinam quoq; iunxisti eloquentiæ Vraniam, quæ Tuum pectus

angustis suis cum Orbibus occupavit;

Ab eius irrequieto astrorum cursu,

didicisti indefessam circumagere Virtutem.

Hanc Cælestium indagatricem,

pulchro cum iungas foedere Meditrinæ, non peccas:

Quandoquidem vel teste insigni Theologo Augustino;

*Medici, Astrologia ignari, si exerceant Medicinam;*

*peccant mortaliter.*

Et Quis futuram felicitatem Tibi non ominabitur.

in sublevandis infirmis, ex acutis chronicisq; symptomatibus?

Quis securum per mare Medicum, non augurabitur Tibi remigium?

cum duo hæc lucida præeant Tibi luminaria.

Ipsa naturæ Tuæ commendatio, planè nata Galenoet Hippocrati

ad ægritudinis lenimen delecta.

Placere hæc in Te omnia eruditi animi Decora,

ILLVSTRISSIMO & EXCELLENTISSIMO DOMINO

D. M A R C O B E M B O

S E N A T O R I V E N E T O

C

æter-



æterna colendo Memoriam,  
Doctissimus ille Senator, Curius pariterq; Camillus,  
eruditionem Tuam singularem honestis conditam salibus,  
amabat stupebat & æstimabat,  
*Nullam Ponteva horam præterire volebat,  
sine Tui amœnissima præsentia.*  
*Prudens ille Argus Centoculus, vidit observavitq;  
non solum Gentem Ausoniam, verum & Sarmatas  
inter ingeniorum delicias nasci.*  
Et hæc sunt impari adumbrata calamo  
Virtutum vestrarum elogium,  
Liburnis vestra in fortunato constituta littore,  
tantis onusta elogiis ac plausibus, transiit in Onerariam.  
Vobis meliore Fortunâ donatis, Eruditus Cætus Academicus,  
dat plausus, dat Triumphos. Cuncti occinunt celeusmata.  
Ego verò anteaucti doloris vestri socius,  
idem lætioris Actûs Spectator,  
Nomini ac Honori Vestro hæc Vota fero:  
Periclitanti ægrotantium lembo;  
consiliorum Vestrorum succurrite remis.  
Naufraganti in vitæ discrimine, Generi Mortalium,  
diuturnæ ac felices lucete Cynosuræ.  
Aduersa Morborum Phænomena,  
vestris curate alexipharmacis.  
Et quanquam Liburnis Vestra iam terminali adnavigavit Portui,  
Vobis nihilominus, fauente Cælo, famulante Fortuna,  
Portus hic non meta honorum,  
Sed altiorum Dignitatum fiat ianua & ascensus.

Permissu Magnifici Domini

RECTORIS.





up

up

is,

.

D

tui,

i

2



